



Universitätsbibliothek Paderborn

Diplomatvm Belgicorvm Libri Dvo

Le Mire, Aubert

Brvxellis, 1627

79. Henricus II. Lotharingiae inferioris & Brabantiae Dux, eiusq[ue] filius primogenitus Henricus, Indensem S. Cornelij Abbatiam Benedictinorum, secundo lapide ab Aquis-Grani, dotant an. 1247.

urn:nbn:de:hbz:466:1-10903

CAPVT LXXIX.

*Henricus II. Lotharingie inferioris & Brabantiae Dux, eiusque
filius primogenitus Henricus, Indensem S. Cornelij
Abbatiam, Benedictinorum, secundo la-
pide ab Aquisgrani, dotant
anno 1247.*

HENRICVS Dei gratia Dux Lotharingie & Brabantiae, & HEN-
RICVS primogenitus ipsius, omnibus praesentes litteras inspe-
cturis, salutem & cognoscere veritatem.

Noueritis, quod nos animarum nostrarum saluti intendentes,
videntes ecclesiam INDENSEM diuersis debitorum oneribus obliga-
tam, renuntiaimus & renuntiamus omni iuri, quod nos vel heredes
nostrи habemus ad præsens, vel in posterum habere possemus in
omni terra, qua vulgariter Wastina dicitur, in alodijs de Cump-
theo, de Meunsele, de Herckem & villis attinentibus, quocumque
modo fuerint sitæ.

Consentientes, ut videlicet venerabilis Abbas monasterij Indensis
ac eiusdem loci conuentus, quorum noscitur esse proprietas & do-
minium, de dictis Wastinis possint ordinare, prout eis visum fuerit
expedire.

Promittimus etiam memoratos Abbatem & conuentum, in dictis
Wastinis, contra quoslibet iniuriatores, in quantum ius dictauerit,
tueri & defensare. In cuius rei testimonium & firmitudinem, præ-
fens scriptum Abbi & conuentui prælibatis tradidimus, sigillorum
nostrorum munimine roboratum.

Actum & datum apud Furam, mense Augusto, anno Domini 1247,
millesimo ducentesimo quadrageximo septimo.

NOTATIONES.

Indensem S. Cornelij Abbatiam, Benedictinorum, secundo la-
pide ab Aquisgrani sitam, Ludovicus Pius Imp. fundauit; sic dictam
ab Inda fluuiolo præterlabente.

Y 3

CUMPTHEVM

CUMPTICHVM) vicus Brabantiae, Cumptich, primo lapide à The-
nis opido.

C A P V T L X X X .

*Henricus II. Lotharingie Brabantieq; Dux à seruitute Manus mor-
tua, ut vocant, alijsque oneribus anno 1247. suos
vassallos liberat.*

HENRICVS Dei gratia Dux Lotharingie & Brabantie, atque HENRICVS filius eius primogenitus, vniuersis & singulis praesentes litteras visuris salutem, cum notitia veritatis.

Noueritis quod nos habita super hoc prius deliberatione sufficien-
te cum hominibus & fidelibus nostris, & viris religiosis terrae no-
strae, sub sacramento fidei, quam corporaliter praestauimus, ob re-
medium animarum nostrarum, & praedecessorum nostrorum fide-
liter promisimus, quod ad hac die in perpetuum, terram nostram
quam nunc possidemus, ab illa exactione sive extorsione, quæ vul-
gariter dicitur *Mortua manus*, abloluimus & quitamus.

Promisimus etiam similiter, fide corporaliter praestita, quod vo-
lumus & obseruare debemus in perpetuum, ut in bonis illorum, qui
vulgariter *Hauscoot* spuri dicuntur, si de terra nostra nati fuerint,
& proximos habeant, succedant in dictis bonis proximiores, secun-
dum legem terrae & consuetudinem.

Si vero fuerint aduentitiij, bona talium, secundum legem terrae
huc usque seruatam, nostra sint & successorum nostrorum. Saluo-
ramen per omnia tam de alienigenis quam indigenis talibus, quod
testamenta, quæ considerint, robur habere debeant & fortitudi-
nem.

Promisimus modo predicto, quod Balliu nostri terram nostram,
regere debeant, secundum iudicium & sententiam Scabinorum,
aut aliorum hominum nostrorum, ad quos pertinet super huiusmo-
di sententias dare aut iudicare. Nisi forsitan aliquid enorme acci-
derit, sicut incendium, violentia, vel homicidium, aut aliquid aliud
simile. In quo casu excessus huiusmodi, de voluntate nostra, & per
consilium nostrorum, corrigentur.

Et si forsitan contigerit aliquem Balliuorum nostrorum, aliter
quam prescriptum est & ordinatum, iudicare, volumus & ordi-
namus;